

სახელმწიფო შესყიდვის შესახებ
ხელშეკრულება №15

CPV -50112300

თბილისი

24.01. 2019 წელი

1. ხელშეკრულების დამდები მხარეები

ერთის მხრივ, ქ. თბილისის მუნიციპალიტეტის სსიპ „ქონების მართვის სააგენტო“, (მის: თბილისი, ქ. შარტავას ქ. №7, ს/კ 205296375, სახაზინო რეკვიზიტები: სახელმწიფო ხაზინა, TRESGE22, სახაზინო კოდი, 741977499, ტელ: 0322378127) შემდგომში „შემსყიდველი“, წარმოდგენილი ადმინისტრაციული სამსახურის უფროსის გიორგი გვენეტაძის სახით და მეორეს მხრივ, შპს „მეგა“, (მის: თბილისი, გივიშვილის №8, საიდ.კოდი: 435891233, საბანკო რეკვიზიტები: ს/ს „საქართველოს ბანკი“, ბანკის კოდი BAGAGE22, ა/ა GE10BG0000000100746770, ტელ: 593 28 62 26) შემდგომში „მიმწოდებელი“, წარმოდგენილი მისი დირექტორის გიორგი ასრათაშვილის სახით, ორივე ერთად წოდებული როგორც მხარეები, ვმოქმედებთ რა საქართველოში მოქმედი კანონმდებლობისა და „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-3 მუხლის პირველი პუნქტის „ჟ“ ქვეპუნქტის საფუძველზე, ვდებთ წინამდებარე ხელშეკრულებას შემდეგზე:

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

2.1 ხელშეკრულების (შესყიდვის) ობიექტია: ელექტრონული ტენდერის საშუალებით (აუქციონის გარეშე), ქალაქ თბილისის მუნიციპალიტეტის სსიპ „ქონების მართვის სააგენტოს“ ბალანსზე რიცხული 10 (ათი) ერთეული ავტოსატრანსპორტო საშუალების რეცხვის და მსგავსი მომსახურების სახელმწიფო შესყიდვა, თანდართული ტექნიკური დავალების (დანართი) შესაბამისად, შესყიდვის ობიექტის ერთეულის ღირებულებები მოცემულია მიმწოდებლის მიერ განფასებულ თანდართულ ფასების ცხრილში (დანართი), რომლებიც თან ერთვის ხელშეკრულებას და წარმოადგენს მის განუყოფელ ნაწილს.

2.2 შესყიდვის საშუალება - ელექტრონული ტენდერი (აუქციონის გარეშე), სატენდერო განცხადების ნომერი - NAT180020446.

2.3 ხელშეკრულების საერთო ღირებულება შეადგენს **3 999.84 (სამიათას ცხრაასოთხმოცდაცხრამეტი ლარი და 84 თეთრი)** ლარს, რომელიც მოიცავს, როგორც შესასყიდი ობიექტის ღირებულებას (მათ შორის პლასტიკური ბარათების დამზადება), ასევე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ ყველა გადასახადს.

2.4 დაფინანსების წყარო - 2019 წლის საკუთარი სახსრები.

2.5 ხელშეკრულება ძალაშია მხარეთა მიერ ხელმოწერიდან 2020 წლის 31 იანვრის ჩათვლით.

3. მომსახურების გაწევის პირობები, ვადა, ადგილი, მატერიალურ-ტექნიკური ბაზა, ხარისხი და გარანტია

3.1 მომსახურების გაწევის ვადა: 2019 წლის 24 იანვრიდან 2019 წლის 31 დეკემბრის ჩათვლით, ეტაპობრივად, შემსყიდველის მოთხოვნის შესაბამისად.

3.2 მიმწოდებელმა მომსახურების გაწევა უნდა განახორციელოს ხელშეკრულებაზე თანდართული ტექნიკური დავალების (დანართი) შესაბამისად.

3.3 მომსახურების გაწევის ადგილი: - ქ. თბილისი, შარტავას ქ. №43 (3 ბოქსი, იჯარა, შარტავას ქ. №7-დან არაუმეტეს 8 კილომეტრისა); ქ. თბილისი, სოფელი დიღომი აღმაშენებლის ქ. №30ბ. (2 ბოქსი, იჯარა, შარტავას ქ. №7-დან არაუმეტეს 8 კილომეტრისა).

3.4 მომსახურების გაწევის პროცესში, მიმწოდებლის ბრალეულობით ავტოსატრანსპორტო საშუალების დაზიანების შემთხვევაში, ზიანის აღმოფხვრის ხარჯებს სრულად ანაზღაურებს მიმწოდებელი.

4. ხელშეკრულების შესრულების კონტროლი (ინსპექტირება)

4.1 შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე, მათ შორის ხარისხის კონტროლი, რისთვისაც გამოყოფს უფლებამოსილ პირ(ებ)ს.

4.2 შემსყიდველის შესაბამისი წარმომადგენელი უფლებამოსილია ჩაატაროს ხარისხის კონტროლი და თუ აღმოჩნდება შესასყიდი ობიექტი უხარისხო, მიმწოდებელი ვალდებულია შემსყიდველის წერილობითი ან/და ზეპირი შეტყობინებით დადგენილ ვადაში შემსყიდველს მიაწოდოს ხარისხიანი შესასყიდი ობიექტი ან თუ მიმწოდებელი ვერ შეძლებს ხარისხიანი შესასყიდი ობიექტის მიწოდებას და შემსყიდველს გადახდილი აქვს ამ უხარისხო შესასყიდი ობიექტის ღირებულება, მიმწოდებელი ვალდებულია დააბრუნოს აღნიშნული უხარისხო ობიექტის ღირებულება.

5. მიღება - ჩაბარების წესი

5.1 შესასყიდი ობიექტის მიღება წარმოებს მიღება-ჩაბარების აქტის საფუძველზე, რომელსაც აწარმოებს სააგენტოს უფლებამოსილი პირი.

5.2 მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელის მოწერით და ბეჭდით.

5.3 ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტის გაფორმებაზე პასუხისმგებელი პირია - ქ. თბილისის მუნიციპალიტეტის სსიპ „ქონების მართვის სააგენტო“-ს მომსახურების განყოფილების მთავარი სპეციალისტი მერაბ როგავა.

6. ანგარიშსწორება

6.1 ანგარიშსწორების ვალუტაა ქართული ლარი.

6.2 ანგარიშსწორების ფორმაა უნაღდო, მიმწოდებლის საბანკო რეკვიზიტების შესაბამისად.

6.3 თუ ანგარიშსწორება უნდა შესრულდეს არასამუშაო დღეს, მაშინ ანგარიშსწორება შესაძლებელია განხორციელდეს მომდევნო სამუშაო დღეს, რაც არ ჩაითვლება გადახდის ვადის გადაცილებად.

6.4 ანგარიშსწორება განხორციელდება ეტაპობრივად, ფაქტიურად მიწოდებული შესყიდვის ობიექტის შემდეგ, მიღება-ჩაბარების აქტის გაფორმებიდან 10 სამუშაო დღის ვადაში.

6.5 წინასწარი ანგარიშსწორება (ავანსი) არ გამოიყენება.

7. ხელშეკრულების პირობების შეუსრულებლობა

7.1 ფორს-მაჟორული პირობების გარდა, თავიანთი ვალდებულებების არასათანადოდ შესრულების შემთხვევაში მხარეები პასუხს აგებენ ამ ხელშეკრულებითა და მოქმედი კანონმდებლობით გათვალისწინებული წესით.

7.2 თითოეული მხარე უფლებამოსილია მეორე მხარის მიზეზით ხელშეკრულებით ნაკისრი ვალდებულებების შესრულების ვადების (მათ შორის ეტაპობრივი) დარღვევის შემთხვევაში, დააკისროს

მეორე მხარეს პირგასამტეხლო ყოველ ვადაგადაცდილებულ დღეზე ხელშეკრულების საერთო ღირებულების 0.02%-ის ოდენობით, ხოლო თუკი ადგილი აქვს ვალდებულების ნაწილის შეუსრულებლობას, ვალდებულების შეუსრულებელი ნაწილის 0.02%-ის ოდენობით ყოველ ვადაგადაცდილებულ დღეზე, რომლის ჯამური ოდენობა არ უნდა აღემატებოდეს ხელშეკრულების საერთო ღირებულების 5 %-ს.

7.3 მიმწოდებლის მიერ შესყიდვის ობიექტის მიწოდების ვადის 15 კალენდარულ დღეზე მეტი ვადით გადაცდილების ან/და ხელშეკრულების შეწყვეტის შემთხვევაში, მიმწოდებელს ხელშეკრულების შესრულების უზრუნველყოფის გარანტია (ასეთის არსებობის შემთხვევაში) ჩამოერთმევა სრულად.

7.4 საჯარიმო სანქციით დაკისრებული თანხა გადახდილ უნდა იქნას გადაწყვეტილების გაცნობიდან (წერილი ჯარიმის დაკისრების თაობაზე) არაუგვიანეს 1 (ერთი) თვის ვადაში.

7.5 მხარეები გამოიყენებენ ყველა შესაძლებლობას წარმოქმნილი უთანხმოების აღმოსაფხვრელად მოლაპარაკების გზით. უთანხმოების მოლაპარაკების გზით აღმოფხვრის შეუძლებლობის შემთხვევაში ნებისმიერ მხარეს უფლება აქვს მიმართოს საერთო სასამართლოს.

7.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

8. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა თუ დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით, ნორმატიული და კანონქვემდებარე აქტებით ან/და სხვა განსაკუთრებული გარემოებებით, თუ ისინი უშუალოდ ზემოქმედებას ახდენენ ხელშეკრულების შესრულებაზე.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ მისი მოქმედება, კომპენსაციის უფლების მოთხოვნის გარეშე.

9. სხვა პირობები (ხელშეკრულების შეწყვეტა, ხელშეკრულებაში

ცვლილებების შეტანა)

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების ცალმხრივად შეწყვეტის თაობაზე.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს გადაწყვეტილების საფუძველი და ამოქმედების თარიღი, მისი მიღებიდან 10 (ათი) კალენდარულ დღეში.

9.3 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;

- ბ) მიწოდების ვადის 15 კალენდარულ დღეზე მეტი ვადით გადაცილების შემთხვევაში;
- გ) თუ შემსყიდველი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას.
- 9.4 ხელშეკრულებაში დამატებების ან/და ცვლილებების შეტანა მხარეთა ურთიერთშეთანხმების გზით შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.
- 9.5 დაუშვებელია ხელშეკრულების ღირებულების შეცვლა, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 9.6 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დასაშვებია ხელშეკრულების ჯამური ღირებულების მხოლოდ 10%-ის ოდენობით გაზრდა.
- 9.7 წინამდებარე ხელშეკრულება შედგენილია 2 (ორი) თანაბარ იურიდიული ძალის მქონე ეგზემპლარად. ერთი ეგზემპლარი ინახება შემსყიდველთან, ხოლო ერთი მიმწოდებელთან.

10. მხარეთა რეკვიზიტები

შემსყიდველი

სსიპ ქონების მართვის სააგენტო

ადმინისტრაციული სამსახურის უფროსი
გიორგი გვენეტაძე

მიმწოდებელი

შპს „მეგა“

დირექტორი
გიორგი ასრათაშვილი

ფასების ცხრილი

დასახელება	რეცხვის რაოდენობა	ერთ. ფასი (ლარი)	მთლიანი ღირებულება (ლარი)	მომსახურების გაწევის ვადა
ჯიპის ტიპის ავტომობილის რეცხვის მომსახურება საბარათო (პლასტიკური ბარათი) სისტემით	48-ჯერ	11.33	543.84	ხელშეკრულების ძალაში შესვლიდან 2019 წლის 31 დეკემბრის ჩათვლით
მსუბუქი ავტომობილის რეცხვის მომსახურება საბარათო (პლასტიკური ბარათი) სისტემით	432-ჯერ	8	3456	ხელშეკრულების ძალაში შესვლიდან 2019 წლის 31 დეკემბრის ჩათვლით
ჯამი			3999.84	

პრეტენდენტის დასახელება პპს "ბეგა"

თანამდებობა, სახელი, გვარი დირექტორი გიორგი ასათიელი

ხელმოწერა და ბეჭედი გ. ასათიელი

ტექნიკური დავალება

1. აღნიშნული მოიცავს ქალაქ თბილისის მუნიციპალიტეტის სსიპ „ქონების მართვის სააგენტოს“ ბალანსზე რიცხული 10 ერთეული ავტოსატრანსპორტო საშუალების რეცხვის მომსახურებებს, შემდეგი რაოდენობით:

- მსუბუქი ავტომობილების რეცხვა არაუმეტეს 432-ჯერ და ჯიპის არაუმეტეს 48-ჯერ, შემსყიდველის მოთხოვნის შესაბამისად, შემდეგი პირობებით:

1.1 მიმწოდებელი ვალდებულია უზრუნველყოს მომსახურების გაწევა მხოლოდ საბარათე (პლასტიკური ბარათი) სისტემის მეშვეობით, ვალდებულია თავის ვებ-გვერდზე გაუხსნას შემსყიდველს სპეციალური ანგარიში და უზრუნველყოს შეძენილი რეცხვის მომსახურების ჩარიცხვა აღნიშნულ ანგარიშზე (პლასტიკურ ბარათზე) მისი შემდგომი განაწილების მიზნით. სპეციალურ ანგარიშზე რეცხვის მომსახურების ჩარიცხვის შემდეგ იგი წარმოადგენს შემსყიდველის საკუთრებას და შემსყიდველს უფლება აქვს ანგარიშზე არსებული ნაშთის ფარგლებში შეუზღუდავად, თავისი შეხედულებისამებრ, გადაანაწილოს მის კუთვნილ ერთ ან რამდენიმე პლასტიკურ ბარათზე ინტერნეტით მიმწოდებლის ვებ-გვერდის საშუალებით, შემსყიდველის სახელისა და საიდენტიფიკაციო პაროლის გამოყენებით. პლასტიკური ბარათის წარდგენის შემთხვევაში მისი მფლობელი უფლებამოსილია მიიღოს ბარათზე ჩარიცხული რეცხვის მომსახურება მიმწოდებლის კუთვნილ ნებისმიერ ავტოსამრეცხაო სადგურში.

1.2 მიმწოდებელმა უნდა უზრუნველყოს ავტომობილების როგორც გარედან, ისე შიდა (სალონი საბარგული) რეცხვა. ამასთან რეცხვა უნდა მოხდეს ხელით სპეციალური მოწყობილობების, ინვენტარისა და სარეცხი საშუალებების გამოყენებით;

1.3 რეცხვისთვის გამოყენებულ უნდა იქნეს მაღალი ხარისხის სარეცხი და საწმენდი საშუალებები (ქაფი, გელი, სპეციალური სითხეები, საბურავების სამწმენდი საშუალებები და სხვა);

1.4 მომსახურების გაწევის დროს მიმწოდებლის ბრალეულობით შემსყიდველის ავტომობილზე მიყენებული ნებისმიერი ზარალის აღმოფხვრის ხარჯების ანაზღაურება ეკისრება მიმწოდებელს.

1.5 მიმწოდებელმა რეცხვის მომსახურება უნდა განახორციელოს შემსყიდველის უფლებამოსილი წარმომადგენლის მიერ პლასტიკური ბარათის წარდგენის შემდეგ, არაუმეტეს 1 საათისა;

1.6 მიმწოდებელმა უნდა უზრუნველყოს შესაბამისი რაოდენობის პლასტიკური ბარათების დამზადება და შემსყიდველისათვის უსასყიდლოდ მიწოდება მოთხოვნიდან 3 (სამი) სამუშაო დღის განმავლობაში.

შემსყიდველი

სსიპ ქონების მართვის სააგენტო

ადმინისტრაციული სამსახურის უფროსი
გიორგი გვენეტაძე

მიმწოდებელი

შპს „მეგა“

დირექტორი
გიორგი ასრათაშვილი